

Ad cortices *Pini* inuenta mecumque communicata a cl. *Flörke*.

Exsiccata 4—6 lin. lata, ceterum ad vnciam magna, colore fragi, intus pallenscens, exlobis quasi constat haec species.

4. TREMEL. ENCEPHALA: oblonga sessilis dilute carnea plicato-rugosa. *Willd. in bot. Mag.* 1. p. 17. t. 4. f. 14.

In truncis *Pini sylvestris*, hyeme crescere dicitur. Secundum cl. inuentorem oblonga est et crassa, dura, subdiaphana, sicca fuscescit.

5. TREMEL. VIOLACEA: subcompressa parua compacta gyrosa violacea.

*Tremella violacea*: sessilis rugosa violacea, inferne laevis. *Relh. Fl. cantab.* p. 442. huius quoque loci.

Hyeme ad caudices *Pyri communis* eam vidi, 3—4 lin. longa, lin. crassa; a sequente omnino diuersa videtur.

6. TREMEL. PERSISTENS: subcoriaceo-cartilaginea, tenuis glabra dimidiata, undulata, vinoso-violacea. *Bull. champ.* p. 223. t. 304.

Super truncos et ramos *Iuniperi Salinae* habitat, perennis est. Exsiccata vix visibilis, humore irrigata pristinam formam iterum acquirit distinctam. *Bull.*